

2022-2023 оқу жылындағы тәрбие жұмысының талдауы

2022 – 2023 оқу жылынында тәрбие жұмысы бекітілген жоспар бойынша жүргізілді. Жоспарда көрсетілген іс – шаралар белгіленген уақытында өткізілді. Тәрбие– халықтың ғасырлар бойы жинақтап, іріктеп алған тәжірибесі мен ізгі қасиеттерін жас ұрпақтың бойына сіңіру, баланың қоршаған ортадағы қарым-қатынасын, дүниетанымын, өмірге деген көзқарасын және соған сай мінез-құлқын қалыптастыру.

М.Арын атындағы ҚҚОМ-нің тәрбие тұжырымдамасы бойынша тәрбиенің басым 8 бағыттық жұмысы қамтылды.

Тәрбие жұмысының бағыттары:

1. Қазақстандық патриотизм және азаматтық тәрбие, құқықтық тәрбие
2. Ұлттық тәрбие
3. Отбасы тәрбиесі
4. Рухани-адамгершілік тәрбие
(Діни тәрбие, Сыбайлас жемқорлыққа қарсы мәдениет)
5. Көпмәдениетті және көркем-эстетикалық тәрбие
6. Еңбек, экономикалық және экологиялық тәрбие
7. Зияткерлік тәрбие, ақпараттық мәдениет тәрбиесі
8. Дене тәрбиесі, салауатты өмір салты

Кадр құрамына талдау. 2022-2023 оқу жылында М.Арын атындағы ҚҚОМ-де 2 тәрбие орынбасары А.Е.Шамова, Б.Ж.Қалапбергенова, 2 психолог Н.Жасқали, Е.Кенжалина, 1 тәлімгер М.Таңатар, 2 ұйымдастырушы-педагог Т.Абдуллин, А.Бекжанов, 5 қосымша білім беру педагогы, М.Байбатыров, Л.Молдағалиева, М.Тоқтамысова, І Бегжанов, Г.Қайроллаева және 42 класс жетекші қызмет атқарады.

Оқу-тәрбие жүйесіндегі класс жетекшілердің сапалық сипаттамасы

	Барлығы	Санаты				
		Жоғары пед. шеб.	Жоғары пед. зерт.	I санат пед. сар.	II санат пед.мод.	Санатс ыз
Класс жетекшілер	42	1	11	17	13	-

2022-2023 оқу жылында 42 класс комплект. Класс жетекшілердің сапалық құрамына тоқталсақ: II санатты және педагог-модератор-13 мұғалім, I санатты және педагог-сарапшы-17 мұғалім, жоғары санатты және педагог зерттеуші- 11 мұғалім, санаты жоқ - мұғалім жоқ.

2022-2023 оқу жылында іс-шаралар жылдық жоспарға сай өткізілді. Оқушылардың заң алдындағы жауапкершілігін арттыру, ҚР Конституциясы баптарын біліп, құрметтей білеуге үйрету, құқықтық сауаттылыққа тәрбиелеу,

құқық бұзушылық пен қылмыстың алдын-алу мақсатында құрылған іс-шаралар жоспары уақытылы жүргізілді.

Биылғы оқу жылында құқықбұзушылық бойынша мектепшілік есепке 11 оқушы, қалалық ІІБ екі оқушы, олар: Д.Сматов, Р.Молдахмет қойылды. Мамыр айында Р.Молдахмет есептен шығарылды. Сәтсіз отбасы – 1.

Сабақты Гимнмен бастауды ұйымдастыру бойынша оқушылар күнде сабақ басталар алдында 5 минут бұрын гимн орындады. Әр сейсенбі денсаулық күні болып бекітіліп, жаттығулар жасады. Әр сәрсенбі «100 ән, 100 күй» жобасы бойынша қоңырау әусні күйге ауыстырылды және фойэде халық әндері мен халық композиторларының әндері орындалды. Әр бейсенбі «Оқуға құштар мектеп» жобасы бойынша оқушылар түрлі жанрда ақын-жазушылардың шығармаларымен танысып, талдау жұмыстарын жасады. Шығарма желісі бойынша көріністер қойып, үзінділер жатқа оқыды.

Мектептегі спорттық секциялар мен үйірмелер бойынша:

2022-2023 оқу жылында оқушылардың сабақтан тыс бос уақытын ұйымдастыру мақсатында мектепшілік үйірме, клубтары жұмыс істеді, 299 оқушыны қамтыды.

Мектепшілік 8 спорттық секция: баскетбол, дойбы, шаңғы, волейбол, тоғызқұмалақ, таекван-до, футбол, спорттық туризм, қол күрес секциясы жұмыс жасайды. Жалпы спорттық секцияларға 252 оқушы қатысады.

Үйірмелер мен спорттық секциялар	Бала саны
Волейбол	75
Таекван-до	25
Дойбы	25
Футбол	25
Тоғызқұмалақ	25
Спорттық туризм	28
Шаңғы	27
Қолкүрес	22
«Самғау» театры	15
«Ділмар» дебат клубы	32
«Сырғалым» қыздар клубы	28
«Сапа» мобиллография клубы	8
«Креатив» қолөнер клубы	41
«Жас тілші» клубы	15
«Арын Еріктілері» еріктілер клубы	23
«Жас сарбаз» әскери-патриоттық клубы	62
«Зерде» дарындылар клубы	30
«Ақ орамал» аналар клубы	45
«Мұрагер» әкелер клубы	45

2022 – 2023 оқу жылының қортындысы бойынша мектепшілік және мектептен тыс спорттық секциялар мен үйірмелерге 619 оқушы қамтылған. Алдыңғы оқу жылымен салыстырғанда 30% - ға өсім бар.

№	Мазмұны	2021-2022 оқу жылы	2022-2023 оқу жылы
1.	Оқушы саны	1025	987
2.	Мектепшілік үйірмелер	157 оқушы	299 оқушы
3.	Мектепшілік спорттық секциялар	135 оқушы	252 оқушы
4.	Мектептен тыс үйірмелер	132 оқушы	135 оқушы
5.	Мектептен тыс секциялар	105 оқушы	110 оқушы
6.	Жалпы мектептің пайызы	51 %	81%

2022-2023 оқу жылындағы М.Арын атындағы Қарғалы қазақ орта мектебінің оқушыларының оқу жетістіктері (ән, би, күй, мәнерлеп оқу сайысы, сурет және спорт) бойынша мектепшілік, қалалық, облыстық, халықаралық және республикалық жетістіктерінің нәтижесі 15 % құрайды. Ашып айтқанда:

Жетістіктер	Қатысқандар
Қалалық	30
Облыстық	28
Халықаралық	23
Республикалық	59
Барлығы	140

Тәрбие жоспарына сәйкес өткізілген мерекелік іс-шаралар

1-қыркүйек – Білім күніне орай «Сыңғырла, алғашқы қоңырау» салтанатты жиыны өткізілді. Жиынға 1,4,9,11 сынып оқушылары мен ата-аналар, мұғалімдер қатысты. Салтанатты шара Мемлекеттік туды әкеліп, Әнұранның орындалуымен ашылды. Облыс әкімдігінің кәмелетке толмағандардың істері және олардың құқықтарын қорғау жөніндегі облыстық комиссия хатшысы Ж.Нуршин және мектеп директоры Жасұлан Төремұратұлы оқушыларды білім күнімен құттықтап, жаңа оқу жылына сәттілік тіледі. Сынып сағаттары 2-11 сынып


бойынша онлайн өтті. «Терең білім, еңбекқорлық және отан-шылдық қасиет» республикалық онлайн-акциясы бойынша 2-4 -сынып бойынша «Менің жазғы жарқын оқиғаларым!», «Білім саған жол ашады»; 5-8-сынып бойынша «Менің саяхатым», 9-11 -сынып бойынша «Менің ойларым, армандарым, үміттерім», «Менің үлкен сыныптастарым», тақырыбында фото, видеороликтер дайындады.



5 - қыркүйек Қазақстан халықтарының Тілдері күніне орай 4 “Б” сыныбында «Тіл - тірегім, соғып тұрған жүрегім» тақырыбында ашық тәрбие сағаты өтті. Класс жетекшісі: А.Тайбатырова



Ахмет Байтұрсыновтың 150 жылдығы аясында 5-қыркүйек – Қазақстан халқының тілдері күніне орай 5.09.2022-9.09.2022 жыл аралығында жоспарға сай іс-шаралар өткізілді.



Қазан айының алғашқы іс-шарасы - Ұстаздар мерекесі болды. Ұстаздар мерекесіне байланысты іс-шаралар жоспары бекітілді. Іс-шаралар өткізу мақсаты: «Мұғалімдер күні» мерекесін мерекелеу және мұғалім мәртебесін арттыру. Ең әуелі мектеп оқушылары ертеңгісін ұстаздарды қызыл кілеммен, құттықтау сөздермен, көңілді көңіл күймен қарсы алды.



Ұстаздар мерекесіне байланысты 1 – 11 сыныптар аралығында тәрбие сағаттары ұйымдастырылып, өткізілді. Тәрбие сағаттары барысында сынып жетекшілер оқушыларға ұстазды құрметтеуге, оларды түсіне білуге, бағалауға үйретіп, ұстаз мамандығының қыры мен сырларын түсіндірді. Сынып жетекшілер оқушыларға ұстаздық мамандықтың қиындығы мен қызығы бірге жүретіні жөнінде түсініктерін қалыптастырып, білім алуға саналы көзқарастарын нығайтып, жеке тұлғаның рухани адамгершілік қасиеттерін дамытып, ұстазды әрқашан сыйлауға тәрбиеледі. Мектептің инста парақшасына «Ділмар» дебат клубы, «Жас Ұлан» ұйымы және мектеп түлектері дайындаған құттықтау бейнематериалдары жүктелді. Елімізде жыл сайын қазан айының алғашқы жексенбісінде тойланатын "Ұстаздар күні" мерекесі мектепте өз деңгейінде аталып өтілді.



8 қазан күні ұстаздар күніне орай мектебіміздегі мұғалімдер мен ардагер ұстаздардың құрметіне мерекелік концерт өтті. Мектеп оқушыларының ұйымдастыруымен ән – сазды бағдарламасына зейнетке шыққан ұстаз ардагерлер шақырылды. Бағдарлама барысында мектеп оқушылары өздерінің шығармашылық өнерлерін көрсетіп, ұстаздарға және ардагер ұстаздарға арналған жылы тілектері мен алғыстарын білдірді.



25-қазан Республика күні ерекше дайындықпен тойланды. Жоспарға сәйкес 13-қазаннан бастап іс-шаралар өткізілді. 13 қазан күні "Тәуелсіздік - елімнің ерлік жолы" атты кітап көрмесі ұйымдастырылып, оқырман назарына ұсынылды. Көрменің негізгі мақсаты - жастарды еліміздің тарихи

кезеңдеріндегі жүріп өткен жолы мен тәуелсіздігі туралы жаңа әдебиеттермен таныстыру. Отан – Ананы құрметтеуге, елінің тәуелсіздігі жолында күрескен ерлердің қаһармандығын мақтан тұтуға тәрбиелеу.

«Қыран елім -Қазақстан» облыстық мәнерлеп оқу конкурсының мектепішілік кезеңі өтті. Байқауға 9-11 сынып оқушылары қатысты.«Менің Тәуелсіз Қазақстаным» облыстық сурет және қолөнер байқауының мектепішілік кезеңі өтті.



«Бірлігіміз жарасқан Қазақстан», «Қазақ еліне виртуалды экскурсия» тақырыбында тәрбие сағаттары оқушылардың бойынан ұлтжандылық қасиетін оятып, Отанға, елге, жерге деген құрмет сезімдерін арттыру мақсатында өтті. Толераттылықты сақтап, елімізді ұлтаралық келісім мен бірліктің мекені ретінде танылғаны, еліміз үшін татулық пен келісімнің басты байлық екендігі түсіндірілді.

20 қазан күні 1-11 сынып оқушылары жаппай бір уақытта гимн орындады. Республика күніне орай 11-сынып оқушылары арасында волейбол, 5-8 сынып оқушылары арасында тоғызқұмалақжарыстары және 5-сыныптар арасында «Көңілді мәре» сайысы өтті. Соңғы қорытынды күні «Мәңгілік жаса, қыран елім Қазақстаным!» атты мерекелік концерт өтті. Концерттік бағдарламаны тамашалауға оқушылар, ұстаздар қатысты. 13 жылдан соң қайта тойланып отырған мереке тарихы жаңа қырынан ашылып, ел үшін елеулі болған күннің оқиғасы баяндалды. Ұлттық мереке мәртебесін қайтарып, ел болып қайта тойланып жатқан құтты күннің маңызын мектеп директоры Жасұлан Төремұратұлы өз сөзінде атап өтті. Оқушылардың өз республикасын танып – білуге, жақсы көруге, Отанына деген сүйіспеншілікке, патриоттық сезімге тәрбиелеу, елін, туған жерін құрметтеуге тәрбиелеу мақсатында әр бірінші сабақтан бұрын мемлекеттік Гимн орындалды. Гимннің уақытылы орындалуы сынып жетекшілерге жүктелді және мектеп әкімшілігі тарапынан бақыланды



«Арын жұлдыздары» атты мектепшілік кастингі өтті. Кастингтің мақсаты: өскелең ұрпақтың рухани-адамгершілік, эстетикалық тәрбиелеудің, тұлғаның үйлесімді дамуының факторы ретінде оқушылар шығармашылығын қолдау және дамыту, өзін-өзі көрсетуге, шығармашылық қабілеттерін қалыптастыру және дамыту. Бейнелеу және қолөнер бағыты бойынша оқушылар әділ қазыларға өздерінің қолөнер бұйымдарын көрсетіп, түрлі тақырыпта суреттер салды. Жұмыстың күрделілігі, тақырыпты аша білуі, кәсіби шеберлігі қаралды. Жалпы нәтижесі бойынша 32 оқушыдан мына оқушылар үздік деп танылды. Бейнелеу өнсірі бағыты бойынша 7 оқушы, қол өнсірі бағыты бойынша 5 оқушы өтті. Аспапта ойнау және би бағыты бойынша 35 оқушы тіркеліп, 10 оқушы кастингтен өтті. Ән айту бағыты бойынша кастингтен 8 оқушы өтті. Бұл бағыттарда оқушылардың сахнада өзін-өзі ұстауы, жанды дауыста ән айтуы, сахналық талапқа сай киінуі қаралды. Журналистика және мобилография бағыты бойынша 7 оқушы кастингтен өтті. Бұл бағытта кастингке қатысушылар мектеп немесе қоғамдық өмірден сюжеттік видео түсіріп, тақырыпты таңдауы, тапқырлығы, тіл шұрайлығы қаралды. Мобилографтардың видеоларының креативтілігі, монтаж жасай білу шеберліктері қаралды. «Үздіктерді марапаттау» кешінде кастингтен өткен барлық оқушыға сертификат табысталды.



Мектеп оқушылары Ақтөбе қалалық **“Дін мәселелері және қоғаммен байланыс жөніндегі орталығының”** теолог маманы Ұзақбай Әділжан Берікбайұлы және психолог маман Тулепбергенов Тимур Тайбековичпен **“Діни радикализмнің алдын алу”** тақырыбында кездесіп сұхбаттасты.



Мектебімізде **төтенше жағдайдың, өрттің алдын алу** мақсатында оқу жаттығуы өткізілді. Әскери патриоттық клуб тәрбиеленушілері Ақтөбе қаласындағы **№ 30238 "Ракета және артиллерия"** әскери бөліміндегі сарбаздардың салтанатты ант қабылдау рәсіміне қатысты. Патриоттық клуб жетекшісі М. Назаров.



8 – ші желтоқсан күні мектебімізде «Батыс Қазақстан облысының әкімдігі мәдениет басқармасының Хадиша Бөкеева атындағы облыстық казак драма театры» МКҚК актерлары «Ауылдың иті – Ақбай» атты ертегісінің желісі бойынша сахналық қойылым қойды. Балаларға қойылым ерекше көңіл-күй сыйлады.



Желтоқсан айының 14-і күні М.Арын атындағы Қарғалы казак орта мектебінде ауған соғысының ардагері Каршигин Әділхан мырзаның қатысуымен мектепішілік "Жас Сарбаз" әскери-қолданбалы спорт сайысы өткізілді. І-орын 11А класы, ІІ-орын 11В класы, ІІІ-орын 11Ә мен 11Б класыиеленді. Алғашқы әскери және технологиялық дайындық жетекшісі - М.И.Назаров



27,28,29 – желтоқсан күндері бастауыш және 5-11 сыныптар аралығында «Қош келдің, Жаңа жыл - 2023» мерекелік іс-шарасы өтті. Мерекелік шарада өз өнерлерін көрсеткен оқушыларға аяз ата мен ақшақардан сыйлықтар табыс етіліп, түрлі әуендерге би де биленді. Кештің көңілді өтуіне барынша барлық сыныптар белсенділікпен атсалысты.



«Оқуға құштар мектеп» жобасы бойынша атқарылған іс-шаралар:

ҚР Білім және Ғылым министрлігінің «Оқуға құштар мектеп-оқуға құштар ұлт» жобасын жүзеге асыру мақсатында жылдық жоспары бекітіліп, іс-шаралар өткізілді. Жас ұрпақты көркем шығарма оқуға насихаттау арқылы парасатты, ұлтжанды азамат тәрбиелеу мақсатында 60 әдеби шығарманың тізімі жасалып, оқушыларға ұсынылды.

15 -қыркүйек күні Қазақтың классик ақыны Сырбай Мәуленовтың 100 жылдық мерейтойына орай «Оқуға құштар мектеп» жобасы аясында «100 шығарма» акциясын ұйымдастыру бойынша 11"А" класс оқушылары ақынның өлеңдерін мәнерлеп оқып, тың деректермен бөлісті. Класс жетекшісі: Жұмағалиева А.



Қазақтың көрнекті жазушысы, академигі, драматургы, ғалымы және қоғам қайраткері Мұхтар Әуезовтың туғанына 125 жыл және автордың «Еңлік-Кебек» пьесасына 105 жыл толуына орай 10 "Б" сынып оқушылары пьесадан үзінді қойды. Класс жетекшісі: Э.Қалабазарова.



Биыл қазақ әдебиеті мен журналистика саласында өшпес із қалдырған белгілі қаламгер Шерхан Мұртазаның туғанына 90 жыл толуына орай Ш.Мұртазаның «Интернат наны» әңгімесі желісінде 6 "Б" сынып оқушылары қойылым қойды. Класс жетекшісі: А.Урбисина



«Оқуға құштар мектеп» жобасы аясында М.Әуезовке 95 жыл толуына орай «Көксерек» әңгімесі сахналанды.



«Арын еріктілері» клубы

17-қыркүйек күні "Арын еріктілері" мұқтаж қария- Тамараның шаңырағында болып, көмек қолын созды. Бұл іс-шара «Арын еріктілері» клубының жетекшісі М.Байбатырдың жетекшілігімен өтті.

23 - қыркүйек, жұма күні «Ақтөбе қаласының жастар ресурстық орталығы» КММ басшысы Нұрсұлтан Қожабеков М. Арын атындағы Қарғалы қазақ орта мектебінің қосымша білім беру педагогы, «Арын» еріктілер клубының жетекшісі Майдан Байбатыров бастаған клуб мүшелерімен кездесті. Кездесудің мақсаты қаланың көркейіп гүлденуінде өз қолтаңбасын қалдырғысы келетін жастардың түрлі бағыттағы мәселелері мен ұсыныс пікірлерін тындау. «Арын» еріктілер клубы да қаладағы жас буын арасындағы волонтерлық қозғалысты дамытуға қатысты пікірлерін айтып, алдағы жоспарларын бөлісті. Кездесу соңында орталық басшысы кез-келген уақытта жастармен бірге жұмыс атқаруға дайын екендігін жеткізді.

"Арын еріктілері" клубының мүшелерін 1- желтоқсан күні Ақтөбе қаласының жастар ресурстық орталығының басшысы Нұрсұлтан Қожабеков 5 желтоқсан - Дүниежүзілік еріктілер күні мерекесімен құттықтап, орталық атынан марапаттады.



«Қарттарым – асыл қазынам» тақырыбында қарттар үйінде мерекелік концерт өткізді.

«Мектеп парламенті» өзін-өзі басқару ұйымының атқарған жұмыстары:

2022 жылдың 22 қыркүйек күні М.Арын атындағы Қарғалы қазақ орта мектебінде оқушылардың өзін-өзі басқару негізінде «Мектеп Парламенті» сайлауы өтті. Сайлау еркін және құпия түрде жүргізілді. Барлық оқушыларға түсіндіру жұмыстары жүргізіліп, сайлаудың өту барысы инстаграм желісіне хабарланып жарияланды. Сайлауға 9-10 сынып оқушылары қатысуға ниет білдірді. Сайлау нәтижесі бойынша ең көп 28,4 % дауыспенен 10 «б» сынып оқушысы Мусабев Эльзат мектеп президенті болып, ал қалған кандидаттар мектеп парламенті президентінің мүшелері болып тағайындалды.



3-қазан күні мектебімізде дублер күні өтті. Осы күні 10-11 сынып оқушылары сабақтарда мұғалімдерді алмастырды. Осы жауапты іс-шараға балалар көп дайындалды: олар мұғалімдердің басшылығымен сабақ кестесін құрып, әр сабақтың жоспарын жазды. Мектепте ерекше атмосфера орнады, оқушылар бейджик пен ерекше галстук тағып, осы күнді қызықты да, мазмұнды жетіп көрсетуге тырысты. Бұл күн дублерларға дербестік, жауапкершілік, тапсырылған іске адал және шығармашылық көзқарас сияқты қасиеттерді дамытуға мүмкіндік берді. Сабақтарды жүргізудің маңызды екендігін сезіне алады. Осы күні мектеп директоры – Мусабек Эльзат (10"б" сынып) және директорының орынбасарларының орнына фракция жетекшілері болды. Күн қорытындысы бойынша дублер болған оқушылар жиналыс өткізіп, әр қайсысы өз пікірлерімен бөлісті және мұғалім болу тек қана қиын емес, қызықты екен деген ортақ ойға келді.



Біз тәуелсіз ел ұланы, болашаққа үн қосқан!» мектеп президентінің ант қабылдау рәсімі және «Жас Ұлан» ұйымы мүшелерін қабылдау рәсімі өтті. «Өзін-өзі басқару» ұйымының мектеп президенті, ұланбасы ант қабылдап, ұйым мүшелеріне төсбелгілер тағылды.



Мектеп парламентінің ұйымдастыруымен «Ғасыр індетінен сақтанайық!» атты дөңгелек үстел өткізілді. Оқушыларға СПИД-тің қазіргі тандағы адамзаттың басты проблемасы екені, оның зиянды жақтары туралы айтылды.



Желтоқанның 13 күні еліміздің нағыз патриоттарын, еңбекқор, білімге құштар, салт - дәстүріміз бен адамзаттық құндылықтарымызды қастерлейтін жас жсткіншсктерді, отансүйгіш ұландарды тәрбислсуді көздсйтін Рспубликалық Бірыңғай «Жас Ұлан және Жас Қыран» балалар мен жасөспірімдер ұйымына мектебіміздің 2-5 класс оқушылары қабылданды. Оқушылар туымыз түстес көгілдір галстук және төс белгілерін тағып, «Жас Ұлан және Жас Қыран» балалар мен жасөспірімдер ұйымының Ережесін бұлжытпай сақтауға ант берді.



«Сырғалым» қыздар клубының мүшелері және «ЖасҰлан» ұйымының оқушылары Ақтөбе қалалық «Дін мәселелері және қоғаммен байланыс жөніндегі орталығының «теолог» маманы Орынбай Мәди Орынбайұлымен «Дін және қоғам» тақырыбында кездесіп сұхбаттасты.



«Арын Ерiктiлерi» клубы және «Жас Ұлан» ұйымының оқушылары Ақтөбе облыстық қарттар мен мүгедектер интернат үйіне барып, “Қарты бар үйдiң қазынасы бар” атты концерттік бағдарлама ұйымдастырды. Негізгi мақсаты оқушылардың бойына халқымыздың қадiр-қасиетiн сiңiру, үлкендi сыйлай бiлуге, өз ата-бабасын ұмытпай есте сақтауға және аталы сөзден ғибрат алуға тәрбиелеу.



Наурыз мерекесі қарсаңында тәрбие бөлімінің ұйымдастырумен «Көктем аруы – 2023» атты қыздар байқауы өткізілді. Бас жүлдені «Көктем аруы – 2023» атағын 8 «Г» класс оқушысы Қуандық Сабина иеленді.



Сәуір айында оқушылардың экологиялық мәдениетін қалыптастыру және еңбекқорлыққа баулу мақсатында мектебіміздің «Жас Ұлан» ұйымының оқушылары «Жасыл мекен» челленджіне қатысты



20 мамыр Мұхтар Ғалиұлы Арынның туғанына 87 жыл толуына орай «Тағылымы терең тұлға» атты танымдық шара өткізілді.



Тәрбие жоспарының жылдық жоспарына сай әр бейсенбі «Таза бейсенбі» тазалық күні болып бекітілді. Қыркүйек айында «Тазалық- таза ұстанған жерде» деген ұранмен мектеп ұжымы бірнеше сенбілік тазалық жұмыстарын жүргізді.

Қазақ айының әр сенбісінде мектеп ұжымы «Таза табиғат» экологиялық акциясы барысында сенбілікке шықты. Экоакциясы аясында мектеп алаңын қоқыстан тазарту бойынша сенбіліктер өтті.



Құқық бұзушылықтың алдын алу бойынша құқық қорғау органдарымен бірлесіп атқарған жұмыстар:

26 – қыркүйек күні М.Арын атындағы Қарғалы қазақ орта мектебінде Ақтөбе қалалық ПБ Алматы ауданының №4 ҚПБ ЖПҚБ ЮПТ КТІЖ УПИ полиция лейтенанты Амин Ақбаян Абзалқызының қатысуымен оқушылардың құқықтық білімдері және заң алдындағы жауапкершіліктерін арттыру, құқық бұзушылықтардың алдын алу мақсатында кездесу өтті. Жасөспірімдер арасында кеңінен тараған заң бұзушылықтың, қылмыстың ахуалы мысалдар ретінде келтірілді және қылмыс істегені үшін жауапкершіліктердің түрлері түсіндірілді.



«Құқық бұзушылықтың алдын-алу - басты міндет» атты құқықтық апталықтың жұмыс жоспарына сәйкес ЖПҚБ КТІЖ УПИ полиция лейтенанты А.А.Аминнің қатысуымен «Әлімжеттік жасау әлсіздік» тақырыбында құқықтық дәріс өткізілді. Іс -шараға 9-11 сынып ер балалары қатысты. Бұл іс-шараның мақсаты: мектеп ішінде және мектептен тыс жерлерде әлімжеттікке жол бермеу және оның алдын алу шаралары туралы болды. Инспектор оқушылардың құқықтық білімдері және заң алдындағы жауапкершіліктерін арттыру мақсатында, жасөспірімдерді қылмыстық әрекеттерден бойларын аулақ ұстауға шақырды. 8 "Г" сыныбында "Балалардың құқықтарын қорғау, оның ішінде зорлық-зомбылықтың алдын-алу" тақырыбында тәрбие сағаты өтті. Іс-шара оқушыларға зорлық-зомбылық туралы мағлұмат беру, адамның жаны мен тәніне үлкен зардап әкелетін соққы екенін түсіндіру және зорлыққа қарсы біздің елімізде заң бар екенін айту мақсатында өтті. Балалар құқығын қорғау – егемен еліміздің басты құндылықтарының бірі екендігін оқушылардың санасына сіңіру мақсатында арнайы дайындалған бейнефильмдер мен презентацияларға кезек беріліп,

тақырыптан алған түсініктері мен сабақтан алған әсерлерін оқушылар ортаға салды.



14 – желтоқсан күні кәмелетке толмағандар арасындағы құқықбұзушылықтың алдын алу мақсатында М.Арын атындағы Қарғалы қазақ орта мектебінің жасөспірімдерімен Алматы ауданы №4 ҚПБ ЖПҚ КТІЖ УПИ аға инспекторы полиция капитаны Ерланова Айгерим Сагинтаевна және Ақтөбе облыстық ғылыми-тәжірибелік орталығының психолог әдіскері, магистр Тоқсанбаева Арайлым Амангелдіқызы, ЖПҚБ КТІЖ УПИ полиция лейтенанты А.А.Аминнің қатысуымен кездесу өтті.




қаңтар айында 8 "Г" сыныбында «Ұрлық – түбі қорлық» тақырыбында тәрбие сағаты өткізілді. Іс-шара оқушыларға тонау, алдау, бопсалау түсініктері туралы мағлұмат беру, алаяқтыққа қарсы біздің елімізде заң бар екенін айту мақсатында өтті. Тәрбие сағаты барысында қазіргі қоғамда белең алған алаяқтық бойынша жан-жақты мәлімет берілді.



2 ақпан күні «Қысқы кезеңдегі төтенше жағдайлар кезіндегі іс-қимыл ережелері» тақырыбында Zoom платформасы арқылы 9-11 класс оқушыларына мағлұмат берілді.



Сәуір айының 14 күні Құқықбұзушылықтың алдын алу мақсатында 9-10 сыныптарға арналған «Білім беру мекемелеріндегі оқушылардың арасындағы құқықбұзушылық пен буллингтің алдын алу» бойынша кездесу ұйымдастырылды. Кездесуге Алматы ауданы №4 ҚПБ полиция аға лейтенанты Д.Ж.Махамбет және Ақтөбе облыстық ғылыми – тәжірибелік орталығы, психологиялық-әлеуметтік қолдау бөлімінің әдіскері психолог Б.С.Базаркуловна қатысты.



.Арын атындағы Қарғалы қазақ орта мектебінде құқық бұзушылықтың алдын – алу мақсатында 12 сәуір күні Ақтөбе қаласы ПБ

Алматы ауданы №4 ҚПБ ЖПҚБ УПИ полиция аға лейтенанты А.А.Амин және полиция лейтенанты Д.Ж.Махамбет қатысуымен 9-11 сыныптар арасында «Кәмелетке толмағандар арасындағы құқық бұзушылықтың алдын алу» тақырыбында жиналыс өткізілді. Оның ішінде интернет алаяқтығы, буллингтің алдын алу және велосипед, қалта ұрлығы туралы сөз қозғады. Оқушыларға ҚР әкімшілік құқық бұзушылық туралы кодексінің 442, 435 баптары түсіндірілді.



Ағымдағы жылдың 15 мамыры күні Алматы ауданы №4 қалалық полиция бөлімінің кәмелетке толмағандар істері жөніндегі учаскелік полиция инспекторы Мұхтар Арын атындағы ҚҚОМ-тің бастауып сынып оқушыларына “Абайлаңыз, балалар!” атты жедел профилактикалық іс-шараның басталуына байланысты түсіндірме жұмыстары жүргізді.




«Ділмар» дебат клубының атқарған жұмыстары:

27 – қыркүйек күні "Ділмар" дебат клубының жылдық жоспарына сәйкес жетекшісі А.Е.Шамованың ұйымдастыруымен 8-10 сынып оқушылары арасында дебат өткізілді. Пікірсайыс «Мектеп оқушыларында жауапкершілік бар ма?», «Табиғат және жаңа технологиялар» деген тақырыптарда өрбіді. Оқушылар арасында сыни, креативті ойлау сияқты қасиеттерді дәріптеу мақсатында өткен шарада «Үкімет» және «Оппозиция» өз пікірлерін білдіріп, қарсы тараптардың ойларын тыңдады. Қорыта келе, Мамажонов Дастанбек, Қоянбай Сабина шабыттың шыңында шебер сөз ерекшелігімен топ жарып, үздік өнер көрсетті.



Республика күні қарсаңында мектебіміздің "Ділмар" дебат клубының жетекшісі Ақмарал Есенгелдіқызының ұйымдастыруымен "Тұғыры биік – Тәуелсіз Қазақстан" тақырыбында дебат өткізілді. Оқушылар берілген қарарларды ашық алаңда талдай отырып, өз ойларын айқын жеткізе білді. Пікірсайыс Республика күнінің мерейін көтеріп, тәуелсіз Қазақ елінің сапалы спикерлерін шыңдау, дамыту мақсатында өтті.



"Ділмар" дебат клубы "Мен және менің құқығым" тақырыбында пікірсайыс өткізді. Іс-шара құқықтық тәрбиенің өмірлік қажеттілігін оқушыларға түсіндіру. Құқықтық тәрбиенің, жігердің қоғамда маңызы зор екендігі түсіндіріп құқықтық сауатқа тәрбиелеу, өз ойларын еркін айтуға үйрету.

Тәуелсіздік күні қарсаңында Ақтөбе орта мектебі ұйымдастырған "Тәуелсіздік - қасиет тұнған ұлы ұғым" атты қалалық дебат турнирінде сөз шеберлігі мен ой

ұшқырлығын көрсетіп, “Дарындылар” номинациясына Мамажонов Дастанбек пен Қоянбай Сабина “Ділмар” фракциясы ие болды.

16-желтоқсан - Қазақстан Республикасының Тәуелсіздік күніне орай “Ділмар” дебат клубы “Тұғыры биік- Тәуелсіздік!” атты пікірсайыс өткізді.

20-мамыр «Тәрбие кілтін қашаған ұстаз – М.Арын» тақырыбында қалалық дебат турнирі мен мектепаралық футболдан «Арын кубогі» өткізілді.



«Сырғалым» қыздар клубының атқарған жұмыстары:

2022-2023 оқу жылының 27 қыркүйек күні М. Арын атындағы Қарғалы қазақ орта мектебінде 5-11 сынып қыз балалары арасында "Сырғалым" қыздар клубының жиналысы өтті. Жиналыс барысында қыз балалардың тәртібі, өзін-өзі ұстай білуі, мектеп формасы және сенім жәшігі бойынша бірқатар мәселелер қаралды. Клуб жетекшісі Г. Қайроллаева "Қыз тәрбиесі - ұлт тәрбиесі" тақырыбында баяндама оқып, мектеп психологтары қызықты тренингтер өткізді. Сонымен қатар, "Сырғалым" қыздар клубының төрайымы болып 10"Б"сынып оқушысы Жалғасбаева Әмина сайланды.

Сонымен қатар мектепішілік "Арайлы, алтын күз" сайысы 9-10 сынып оқушылары арасында өткізілді. Байқау шарты бойынша қатысушылар сахнада өздерін таныстырып, одан кейін күзгі дақылдардан қолөнер, экибаналарына жарнама жасай отырып, көпшілікке көрсетті. "Бас жүлдені" иеленген 10 Б сынып оқушылары Құрбанбаев Райымбек, Мусабек Эльзат, 1-ші орынды иеленген 10 А сынып оқушылары Жанғали Ансар, Актамакова Мадина, 2-ші орынды иеленген 10 Ә сынып оқушылары Әбу Мадина, Қайроллаева Аружан, 3-ші орынды иеленген 9 В сынып оқушылары Шарипов Ақжан, Даймағанбет Аружан, "Көрермен көзайымы" номинациясы бойынша 9 Б сынып оқушылары Арманұлы Әбілмансұр, Молтышева Наргиз иеленді.



2022 жылдың желтоқсан айында Қарғалы қалалық ауруханасының өкілдері келіп, зорлық – зомбылықтың алдын алу туралы 9-11 класс оқушыларына профилактикалық дәріс оқыды. Баланың өмір қауіпсіздігі үшін зорлық – зомбылықтың алдын алу туралы дәрігер Нұрлыбаева Айдана Ергазықызы дәріс

оқып, өмірде түрлі жайттарды болдырмаудың жолдарын айтса, психолог Бержанова Баян Жаксылықызы түрлі әдіс-тәсілдерден құралған тренингтер арқылы топтық жұмыстар жүргізді. Оқушылар өз сауалдарын жолдай отырып, сұрақтарына жауабын алды.



Сыбайлас жемқорлық бойынша:

5 “Г” сынып оқушыларының адалдық мәдениетін қалыптастыру, әділ және адал еңбек етуге баулу мақсатында “Адалдық - адамгершілік бастауы” тақырыбында тәрбие сағаты өтті.



«КРЕАТИВ» үйірмесінің ұйымдастыруымен «Жемқорлыққа жол жоқ» атты плакат көрмесі өтті.



Сыбайлас жемқорлыққа қарсы жоспарға сәйкес 10-сыныптар арасында интеллектуалдық ойын өткізілді.





Ата-анамен байланыс бойынша:

Биылғы оқу жылында мектепішілік ата-аналар жиналысы өткізілді. Барлық 42 сыныптың ата-аналары қатысты. Әлемнің екінші ұстазы әл-Фараби бабамыз «Ғылым емес, ең алдымен тәрбиеге көңіл бөлу керек, тәрбиесіз адамға ғылым баянды болмайды» – деп айтып кеткендей, балалардың баянды болашақтары үшін педагогтар мен ата-аналардың күшін біріктіріп, өнегелі ұрпақ тәрбиелеу мақсаты алға қойылды.

«Балалар жылы – 2022» аясында «Әкем, анам және мен» эстафеталық сайысы өтті.



Қазақстан Республикасы Білім және ғылым министрлігінің Мектепке дейінгі және орта білім беру комитетінің "Оқуға құштар мектеп" жобасы аясында ата-аналар арасында кітап оқу бәйгесі өтті. Сайысқа мектебіміздің 1-11 сынып ата-аналары арасынан 49 ата-ана қатысты. Бірінші кезеңде қатысушылар Тынымбай Нұрмағанбетовтың шығармасын оқыды. Және шығарма бойынша онлайн тест алынып, белгіленген уақытта тестке 33 ата-ана қатысып үлгерді. Тест қорытындысы бойынша 15 сұрақтан 14-15 сұраққа дұрыс жауап берген 14 ата-ана екінші кезеңге өтті. Кітап оқу бәйгесіне қатысқан барлық ата-аналарға сертификаттар берілді. 1 кезеңнен үздік нәтижемен өткен ата-аналар 2-кезеңде Тобық Жармағанбетовтың "Отамалы" шығармасын оқыған болатын. Шығарма желісі бойынша тест тапсырмасын орындап, төмендегідей нәтиже көрсетті. 1-орын: Маташсва Гаухар 2- орын: Нессипбасва Гүлнара, Иманалина Гүлссзім, Жаншуакова Сымбат 3-орын: Тулегенова Клара, Алишева Айгүл, Шындаулетова Нұргүл. 25 қараша күні «Үздіктерді марапаттау кешінде» ата-аналар арасындағы кітап оқу бәйгесінде жүлделі орын алған және үздік нәтиже көрсетіп, байқау барысында белсенділік танытқан ата-аналар марапатталды.



Мектебімізде осы оқу жылынан бастап Калапбергенова Бибинур Жалмуханбетовна, Саин Арудың басшылығымен "Ақ орамал" аналар мектебі өз жұмысын бастап кетті. Мақсаты айқын, міндеті ортақ жоспарланған жұмыс өз

кезегімен жүзеге асты. Аналар мектебі -тәрбиенің бастауы. Ананың жұмсақ алақанынан асқан тәрбие құралы жоқ. Ана бір қолымен бесікті тербесе, екінші қолымен әлемді тербетеді.

"Ақ орамал" аналар мектебі жоғары сынып оқушыларымен қалалық кітапханаға саяхат жасады. Гүлсім Усенбаева ананың ұйымдастыруымен өткен бұл шарада аналар да кітапхананың рухани аурасын сезініп, осы жерде келелі кеңестер жүргізу керектігін келісіп кетісті. Өткізген: "Ақ орамал" аналар мектебінің жетекшісі А.С.Саин және 9 "а" сынып жетекшісі Б.О.Тавбаева және аналар мектебінің мүшесі Усенбаева Гүлсім.



"Мұрагер" әкелер клубы, "Ақ орамал" аналар клубы және ұстаздардың қатысуымен мектебімізде "Спорт бізді біріктіреді" атты волейболдан мектепшілік кездесу өткізілді. Тартысты ойын көтіп, қатысушылар жүлделі орындармен марапатталды.



"Мұрагер" әкелер клубының жылдық жоспарына сәйкес алғашқы отырысы өтті. "Мұрагер" әкелер клубының жетекшісі Н.Бораш әкелер клубының ашылудағы мақсаты, міндеттері туралы айтып, жылдық жоспарымен таныстырып өтті. Мектеп директоры Жасұлан Төремұратұлы алғашқы сөз кезегін алып, құттықтау тілегін білдірді. Мектеп жасындағы жасөспірімдердің тәрбиесіндегі әкелердің атқаратын ролі туралы айтып өтті. Мектебіміздің ер мұғалімдері мен әкелер ер балаларды тәрбиелеу жолындағы ой-тәжірибиелерімен бөлісті. Әкелер тарапынан ұсыныстар түсіп, болашақта жоспарлы жұмыс жасау міндеттелінді.

Қаңтар айында қысқы каникул уақытында «Менің үйімдегі кітаптар» балалар мен ата-аналардың видеороликтері мен презентацияларынан байқау өткізілді.



«Мұрагер» әкелер клубының жоспарына сәйкес 8-сынып оқушылары мен әкелері арасында волейболдан жарыс өткізілді.



«Ақ орамал» аналар клубы «Сырғалым» қыздар клубының жоспарына сәйкес «Қыз ақылын ескермес – ана үлгісін көрмесе» тақырыбында ас әзірлеуден шебер класс ұйымдастырылды.



Наурыздың 20-24 аралығында «Үздік сынып жетекші - 2023» байқауы барысында ата-аналардың қатысуымен ашық тәрбие сағаттары өткізілді.

7 «Б» «Отбасым - бақытым» А.Усенова, 8 «А» «Қыз еркем, анасымен көркем» Л.Жалғасова, 9 «Б» «Балалықтан даналыққа» Б.Тавбаева, 2 «Б» «Бақытынды балаңнан ізде» И.Миркиясова, 3 «Б» «Бақытты балалық шақ» А.Утесинова, 11 «Б» «Мамандықты дұрыс тандау - басты мақсат» Ш.Байбулова, 5 «Б» «адамгершіліктің шуағы сөнбесін» Г.Абишева, 6 «Б» «Әке көрген оқ жонар» А.Урбисина, 1 «Б» «Дұрыс тамақтану – денсаулық кепілі» Г.Ибрашева.



1-наурыз Алғыс айту күні қарсаңында мектеп фойесінде мерекелік шара ұйымдастырылды.



М.Арын атындағы ҚҚОМ-нің оқушылары Ақтөбе олимпиада резервін даярлау орталығының еркін күрестен бапкер- оқытушысы, қазақ спортының өркендеуіне үлес қосып жүрген азамат, еркін күрестен халықаралық дәрежедегі спорт шебері, Бүкілодақтық турнирлердің бірнеше дүркін чемпионы, Бүкіләлемдік ардагерлер ойынының жүлдегері, спорт ардагері **Қарабалин Нұржан Толыбайұлымен кездесті.** Кездесу кешіне "Мұрагер" әкелер клубы және "Ақ орамал" аналар клубының мүшелері және мектебіміздің жас спортшылары мен ата-аналары, жакында Абу Дабиде өткен жасөспірімдер арасындағы Әлемдік додада джу-джитсудан 1-орынды жеңіп алған Кенжебек Абдуллахтың тренері Айдаралин Досым қатысты. Нұржан Толыбайұлының жалынды әңгімелерін тыңдаған оқушылар бүгінгі күннің батырына ризашылығын білдіріп, жеңісті сәттері көп болуын тіледі. Жас спортышларымыз қызығушылықтарын танытып, ел мақтанышына өздерін мазалаған сұрақтарын жолдады. Кездесу екі жақтық еркін форматтағы диалог түрінде жалғасты. Кездесуден кейін әрбір оқушы көкірегінде туған жерге деген зор сүйіспеншілік, салауатты өмір салтын сақтай отырып спортпен айналысуға деген құлшыныс, ешбір жанға ешқашан таптатуға болмайтын Ар мен Намыс ұғымын жоғары қоюға деген талпыныс пайда болды.

20 – желтоқсан күні мектебімізде "Ақ орамал" аналар мектебінің жұмыс жоспарына сай төрайымы Жумағалиева Асел Ауезхановнаның ұйымдастыруымен **"Еңбегімен еленген жан"** атты кездесу кеші өтті. Кеш қонағы алтын алқа иегері, мерейлі отбасының гран при иегері, Қазақтың. Республикасына құрметті азаматы, ұлағатты ұстазының төс белгісінің иегері Әбілдасва Бибігүл Абдішүкірқызы болды. Сүреңсіз күндерін (мектеп еден жуушы, ауру отағасын күтіп-баптап, шиттей бала- шаға, жалдамалы пәтер) қойылыммен сахналаған ұстаздарымыз Байбатыров Майдан мен Саин Ару нәшіне келтіріп орындады. Ақ жаулықта аналар гүл шоқтарын сыйласа, Бибігүл Абдишүкірқызы да "жолымды берсін" деген ниетте ақ орамал тарту етіп, батасын берді. Тәлімі мен тағлымы мол кездесуден күні ертең мектеп табалдырығынан аттанғалы отырған 9-11-кл оқушылары әсерленіп, ой түйіп тарқасты.






1-наурыз Алғыс айту күні қарсаңында 8-11 сынып оқушылары мен сынып жетекшілердің қатысуымен «Жауқазын» өнер фестивалі өткізілді.



22-наурыз Ұлыстың Ұлы күні қарсаңында бір айлық «Тақия best» челленджі ұйымдастырылды.



14-наурыз Амал мерекесі күні оқушылар мен ұстаздарға арналған фойеде құттықтау өтті.



14-наурыз күні қалалық білім бөлімінің жоспарына сәйкес М.Арын ҚҚОМ-ның ұйымдастыруымен Геолог мәдениет үйінің алаңында «Амал келді, жыл келді» атты концерт ұйымдастырылды.



Ұлыстың Ұлы күні қарсаңында мектеп алаңында «Қош келдің, Әз-Наурыз» атты мерекелік шара өтті.



Сәуір-мамыр айларында мектеп қызметкерлері жалпы қалалық сенбілікке шықты.



«100 ән» жобасы аясында құрылған іс-шаралар негізінде мектеп фойесінде халық әндері мен халық композиторларының әндері орындалды.

«Бәрінен де сен сұлу» 10 «Б» сынып

«Жан досым» 10 «Ә» сынып

«Егіз лебіз» 10 «А» сынып

«Желтоқсан желі» 9 «Б» сынып

«Сәлем саған, туған ел!» 8 «А» сынып

«Сағындым Алматымды» 9 «Ә» сынып



12 сәуір күні Республикалық «Шахмат челленджі» өткізілді. Зияткерлік қабілеттерін дамыту мақсатында мектеп оқушылары челленджге қатысты.



Мектебіміздің оқушылары Ақтөбе қаласы білім бөлімінің басшысы М.О.Қосымбаевамен кездесіп, сұхбат жүргізді. Оқушылар, ата-аналар қатысқан сұхбат білім, тәрбие төңірегінде өрбіді.



1 мамыр – Қазақстан халықтарының бірлігі күніне орай «Бейбітшілік – ел тірегі» атты фестиваль өтті.



7-мамыр Отан қорғаушылар күні қарсаңында ҚР Қарулы күштерінің 31 жыл толуына орай әскери парад өткізілді. Мектебіміздің «Жас Сарбаз» әскери-патриоттық клубының оқушылары әсері саптық қойылымға қатысып, саптық жүріс түрлерін көрсетті.



9-мамыр Жеңіс күніне орай Батырлар аллеясы және Ұлы Отан соғысының батыры Ә.Молдағұлованың ескерткішіне гүл шоқтары қойылды.



20-мамыр Мұхтар Ғалиұлы Арынның туғанына 87 жыл толуына орай мектепішілік, қалалық деңгейлерде іс-шаралар өтті. 15-16 мамыр күндері М.Арынның өмір жолын, шығармашылығын дәріптеуге арналған тәрбие сағаттары өткізілсе, 18-мамыр ұстаздармен сұхбат, І.Жақанов пен М.Арынның кездесуінен сахналық қойылым, 19-мамыр лингвистикалық олимпиада және «Алтын сақа» интеллектуалдық ойыны, 20-мамыр «Тәрбие кілтін қашаған ұстаз – М.Арын» тақырыбында қалалық дебат турнирі мен мектепаралық футболдан «Арын кубогі» өткізілді.



Білім мен ғылым, өнер сайысында жүлделі жеңістерге жетіп, зияткерлік және шығармашылық қабілеттерін шындап жүрген дарынды, талантты оқушыларды «Арын жұлдыздары-2023» марапттау кеші өтті.



31-мамыр ашаршылық және саяси қуғын-сүргін құрбандарын еске алуға арналған тәрбие сағаттары ұйымдастырылды. «Жас сарбаз» әскери-патриоттық клубы «Түйетөбе» басына барып, керемет әсер алып қайтты.



1-маусым балаларды қорғау күні мерекелік концерт өтті. «Есет батыр» алаңында спорттық ойындар ұйымдастырылды.



«Құлактан үнің кетпейді, сыңғырла соңғы қоңырау» атты соңғы қоңырау салтанатты жиыны өткізілді.



Ұсыныс:

- 1.Ата-аналармен жүргізілетін жұмысты одан әрі жандандыру;
- 2.Оқушылардың сабаққа қатысымын сынып жетекші мен ата-ана тарапынан бақылауды күшейту;
- 3.Мектеп формасын бірізділікке салу;
- 4.Кәсіби бағдар беру бойынша атқарылатын жұмыстарды жүйелеу;

Директор Ж.Т.Жанайдаров
ДТІЖО А.Е.Шамова